

FIN DI JULI GROUNDBRAKING TIERRA DEL SOL

ORANJESTAD (AAN): Dia 27 di Juli lo cuminza cu e proyecto Tierra del Sol cu lo significa realizacion di un Golf Course pa Aruba. E proyecto aki ta worde realiza dor di Sun Development cu durante fin di siman a conoce e apertura oficial di Costa Linda hotel.

E Presidente di Sun Development Raymond Maduro a muestra cu Sun Development semper ta mantene su vista dirigi ariba proyectonan di termino largo y no ta mira solamente e momento actual. E compania ta keda cu e proyectonan cu e inicia y ta tene cuenta cu nan lugar den futuro di e pais.

Tambe Maduro a acentua e espirito di traha den team cu ta existi cerca e compania caminda tin bon comprendimento entre e ehecutivonan y esnan cu ta traha hunto cu nan.

Pa loke ta trata e realizacion di Costa Linda por

ehemplo Raymond Maduro a enfatisa ariba e labornan di directornan manera Mito Martis. Hunto cu e Director di Finanzas Hans Somers y e Director di Sales and Marketing Paul Jarvis y nan respectivo staff un tremendo

labor a keda realiza.

Awor Sun Development tin su vista dirigi ariba Tierra del Sol cu mester bira un proyecto cu ta duna Aruba un golf course pa amplia e aspectonan infrastructural di turismo na Aruba.

Diario. - (diamars 19 mei 1992)